

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Contractu Et Sacramento Matrimonii

**Bosco, Jean a**

**Lovanii, 1678**

Concl. V. Matrimonium potest in uno contrahentium esse Sacramentum, &  
non in alio.

---

[urn:nbn:de:hbz:466:1-73432](#)

310 Disput. II. De Contractu & Sacramento Matrimonii

intelligitur iteratum, quod ambiguitur esse factum. Ergo dubium erat, an Ordines collatiante Baptisma validi forent, & ideo Pontifex mandat eos reiterari.

257.  
Cerum vi-  
deatur non  
valere.

Cap. I. de  
Presbyt.  
non baptiz.

Immo videtur certum, non valere: quia Concilium apud Compendum (& refertur eod. Tit. c. 1.) absque mentione alicujus dubii simpliciter & absolutè præcipit, dicens: Si quis Presbyter ordinatus, deprebenderit se non esse baptizatum, baptizetur, & iterum ordinetur. Ergo ab solutè judicavit istud Concilium Ordines non valere, qui conferuntur non baptizato; non alio utique fundamento, quam quia Baptismus est fundamentum omnium aliorum Sacramentorum, etiam quodammodo Eucharistæ, quæ licet possit percipi à non baptizato, quia est Sacramentum permanens; tamen non potest ab eo confici, nec potest ab eo percipi, inquantum est Sacramentum transiens, id est, cum fructu, ut supra dictum est. Ergo consimiliter Sacramentum Matrimonii propriè dictum, quod transiens est, nequit recipi à non baptizatis; quāvis aliquo vinculum Matrimonii, quod etiam vocatur Matrimonium, & est Sacramentum permanens impropriè dictum, significans conjunctionem Christi cum Ecclesia, recipiatur à non baptizatis, in illo que permaneat, sed absque effectu gratis sanctificantis.

258.  
Matrimo-  
nium in iure  
aliquando  
sumitur im-  
propriè.

Et fortè in cap. *Venientia*, Sacramentum conjugii non sumitur propriè pro Sacramento novæ legis; sed pro Sacramento impropriè quale fuit Matrimonium in veteri lege; vel pro vinculo Matrimoniali, quod etiam est Sacramentum impropriè, ut mox declaravimus. Colligitur ex eo, quod etiam in illo cap. enumeretur Sacramentum Ordinis Pontificalis, Sacerdotalis & Levitici veteris legis, quod constat non fuisse Sacramentum propriè dictum, sive signum efficaciter gratiae ex opere operato. Ergo cap. *Venientia*, non opponitur communī sententia; maximè cum illa sententia, pro qua afferuntur hæ rationes, quæ possent videri oppositæ communī doctrinæ, à Pontifice rejiciatur, & per consequētiā ipse rationes rejiciantur.

259.  
Aliquando  
latè.

C. 8. de  
Divort.

Quantum ad cap. *Gaudemus*; dicimus, in eo Matrimonium infidelium vocari Sacramentum latè loquendo, inquantum aliquo modo designat seu significat unionem Christi cum Ecclesia. Et videtur loqui Innoc. de ipso vinculo Matrimoniali, remanente ex contractu Matrimonii; nam intentio ejus est definire, infideles, in gradibus ab Ecclesia prohibitis conjunctos, non debere separari, ut patet ex principio d. cap. *Gaudemus in Domino*. Et infra: *Utrum pagani uxores accipientes in 2. vel 3. vel ulteriori gradu sibi conjunctas, sic conjuncti debeat post conversionem suam inseparabili remanere, vel ab invicem separari?*

ri, edoceri per scriptum Apostolicum postulati. Super quo taliter respondemus, quid cum Sacramentum conjugii apud fidèles & infideles existat &c. Et infra: *Fideles hujusmodi Matrimonialiter copulari libere possunt, & licet remanere conjuncti, cum per Sacramentum Baptismi non solvantur conjugia, sed crimina dimittantur.* Ergo per conjugium intelligitur hic vinculum Matrimoniale, & non contractus Matrimonii, qui transit. Et quāvis intelligetur contractus, & hic ipse in infidelibus est Sacramentum, sed latè dictum, ut prius diximus; ergo nec hoc ius quidquam probat contra communem doctrinam, quæ solum negat in infidelibus Sacramentum Matrimonii propriè dictum, id est, collativum gratiæ sanctificantis ex opere operato.

Ex quo sequitur hoc corollarium; Matrimonia veteris legis, tametsi conformater ad modum materiæ, formæ, & ministri; non tamen constant eodem suscipiente (& sic quodammodo nec eadem materiæ) cum suscipiens in nova lege debeat esse fideli, id est, baptizatus, idque ex institutione Christi, qui voluit, ut primum omnium Sacramentorum locum teneret Baptismus, quod virte spiritualis, qua per Sacramenta novæ legis vel confortatur, vel augetur, janua est; teste Florent. in Decreto Eug. ibi: *Primum omnium Sacramentorum locum tenet sanctum Baptisma, quod virtus spiritualis janua est.*

## CONCLUSIO V.

Matrimonium potest in uno contrahentium esse Sacramentum, & non in alio.

D Uplex est casus, de quo h̄c disputatur. Primus jam statim fuit propositus, videlicet, an quando fideli baptizatus, contrahit Matrimonium cum non baptizato, per dispensationem Pontificis, fideli baptizatus suscipiat verum & propriè dictum Sacramentum Matrimonii. Alter casus est; quando utrumque quidem est baptizatus, sed una pars non intendit ministrare, aut suscipere Sacramentum; sed solum civiliter contrahere, sicuti contraheret, si non esset baptizatus, ant si Christus Matrimonium non elevasset ad dignitatem Sacramenti; queritur, inquantum etiam in tali casu, unus solus contrahentium suscipiat verum & propriè dictum Sacramentum Matrimonii.

Ad primum casum responderet Sanchez lib.

264.

*Refusio i. 2. disp. 8. n. 2. ex parte neutrius esse Sacra-  
mentum; quia, inquit, Matrimonium in  
utroque coniuge est unum numero Sacra-  
mentum, sicut est unum numero Matrimo-  
nium; ergo si in uno non est Sacramentum,  
nec erit in altero.*

Hanc sententiam sequitur Vasquez disp.  
2. de Matr. c. 4. n. 20. & c. 10. n. 113. Cu-  
jus rationem, inquit Pontius lib. 1. c. 6. n. 7.  
(ubi & ipse eam amplectitur) attigit idem  
Gab. Vasquez; quia alia Sacramenta, praeter  
Baptismum, nisi a baptizati recipi non pos-  
sunt. Ut autem Matrimonium sit Sacramen-  
tum, oportet, ut uterque coniugus baptizatus  
sit; nam non unius tantum corpus, consen-  
sus, & verba, sunt materia & forma, sed  
utriusque. Quare cum sit unum numero Sa-  
cramentum, & utriusque consensus, corpo-  
ra & verba, componant unicam indivisibili-  
tem formam, atque materiam, & ea non sit  
ex omni parte capax Sacramenti, sit ut nul-  
latenus Sacramentum constare possit; id enim  
torum, quod adhibetur a contrahentibus, non  
est ex omni parte materia legitima Sacra-  
menti. Quare etiam dispensatione, tantum  
manneret in ratione contractus. Ita Bas. Pon-  
tius.

Idipsum eodem fundamento, docet,  
tanquam rem certam, Castro Palao hic disp.  
2. punct. 2. n. 11. citans præterea Gutier.  
de Matr. c. 42. n. 4. & Coninck disp. 24.  
dub. 2. conclus. 6. qui addit aliam rationem;  
quia, inquit, solus contractus baptizatorum  
est elevatus ad esse Sacramenti: hic autem  
non est magis contractus baptizatorum,  
quam non baptizatorum. Ita Coninck. Vel,  
ut ait Castro Palao sup. Christus Dominus  
illum contractum ad esse Sacramenti eleva-  
vit, qui absolute & simpliciter contractus si-  
dolis est; hic autem contractus non est sim-  
pliciter fidelis, cum etiam sit fidelis.

Sed haec rationes, quamvis sententiam il-  
lam faciant probabilem, non tamen certam,  
meo iudicio. Unde opposita fatis solidè, ut  
ait Herinx hic disp. 2. n. 14. docet Soto 4.  
disp. 26. q. 2. a. 3. in fine, Eckius in lib. Ho-  
mil. 73. de Sacram. Averfa hic q. 1.  
secl. 6. §. *His tamen non obstantibus, quos se-  
quuntur Hiquæus in suo Comment. 4. dist.*  
26. n. 56. ubi putat eam magis esse confor-  
mem nostræ Doctori illâ dist. q. un. n. 15.  
ubi docet, ut vidimus Conclu. 3. dari du-  
plicem formam parialem hujus Sacramenti,  
& per consequens duplex partiale Sacramen-  
tum.

Et probatur, inquit Hiquæus; quia fun-  
damentum oppositæ sententie stat in oppo-  
sito, quatenus putat Sacramentum Matri-  
monii esse unicum unitate indivisibilitatis.  
Secundo; consensus, ut procedit personali-  
ter à quolibet coniuge, inducit obligationem

contractus passivam & activam ex parte ejus;  
ergo sic præcisè perficit Sacramentum in ip-  
so; sed nihil debet ex parte baptizati, quin  
fiat contractus ejus signum sensibile, causans  
gratiam in ipso; quia est contractus legitimus,  
& Matrimonialis, quo transfert potes-  
tatem sui corporis in alium, & vicissim ac-  
quirit potestatem alterius per mutuum con-  
sensum; ergo perficit ex parte sua Sacra-  
mentum, quia ipse sibi ministrat Sacramentum,  
& non alter; licet non posset ministrare sine  
consensu concurrente ex parte alterius; quia  
nequit ponи contractus legitimus, sine con-  
cursu utriusque. Sufficit ergo, ut sit baptiza-  
tus, & ponat contractum legitimum ex parte  
sua per verba expressum, contra hoc nullum  
sequitur inconveniens, supponendo contra-  
ctum esse, aut fieri legitimum. Hæc ille.

Breviter ex Herinx supra; est verus Ma-  
trimonii contractus, subjectatus in persona Item ex Herinx & ex  
capaci Sacramenti, in qua proinde est sig- rinx & ex  
num gratiae. Confirmatur: qui potest unum eod confir-  
signum afficiens duos, v. g. una Absolutio, maior pri-  
super plures prolatas, esse Sacramentum ref- mō,  
pectu unius, habentis omnia requista, &  
non respectu alterius, qui in aliquo essen-  
tiali deficit.

Confirmatur 2. quia olim, dum pauci Secundus  
erant fideles, sic contrahere sapè erat necessa-  
rium; & tamen idē non debebant fideles,  
sic contrahentes, carere gratiā sacramentali.

Confirmatur 3. quia de facto sapè fit, ut Tertiid.  
fideles contrahentes, et si ambo recipiant Sa-  
cramentum, tamen defectu dispositionis,  
unus tantum recipiat gratiam; immo posset  
esse Sacramentum tantum ex parte unius, si  
videlicet alter non intendat Sacramentum  
fulcire, modò tamen saltē intendat alteri  
ministrare. Neque hæc ratione inconveniens  
est, quod infidelis ministraret fideli Sacra-  
mentum, si non desit intentio. Ministraret  
namque Sacramentum capaci, ut cum tali  
contrahit. Sic enim posset etiam ministrare  
Baptismum non baptizatus. Neque Christus  
in Sacramento Matrimonii alios requisivit  
ministros, quam contrahentes. Hucusque  
Herinx.

Sed haec omnes confirmationes non suffi- 266.  
cient Bonæ Spei, ut assensum suum præbeat  
illi sententia. Hinc disp. 4. de Matr. n. 23. Resp. Bonæ  
Spei ad 1. confirmatio  
Respondet ad primam, disting. Assumptum.  
Potest unius signum &c. respectu unius, & nem.  
non respectu alterius &c. esse Sacramentum,  
quod de materiali est essentialiter contractus  
duorum baptizatorum &c. nego Assumptum;  
nam repugnantia patet; Sacramentum quod  
potest esse unius tantum, concedo Assumptum.  
Sed Matrimonium quæ Sacramentum,  
de materiali est essentialiter talis contractus,  
ut contendimus. Hæc ille.

Sed aliud est contendere, & aliud probare,  
quod

Rejiciuntur.

quod contendimus. Contendit quidem id Bonæ Speci, sed non probat; unde cùdem facilitate negatur, quā affteritur; & si ipse affirmando probavit, ego negando reprobavi. Hoc ergo est quod queritur; an Christus solum elevaverit ad rationem Sacramenti contractum duorum Baptizatorum, an verò omnem contractum baptizati legitimum. Petitur itaque principium, quando contra nos assumitur: Matrimonium, quā Sacramentum, est essentialiter contractus duorum baptizatorum. Hoc enim à nobis negatur, nisi sic intelligatur: Matrimonium, quā Sacramentum in utroque conjugi, est essentialiter contractus duorum baptizatorum; quā autem Sacramentum in uno conjugi, est essentialiter contractus in uno baptizato. Unde sicut tale Matrimonium non est simpliciter contractus fidelis seu fideliū, sed contractus unius tantum fidelis; sicut etiam non est simpliciter Sacramentum, sed tantum respectu unius partis. Probandum ergo manet Bonæ Speci, & aliis Auctòribus, suprà enumeratis, Deum non elevasse ad rationem Sacramenti, nisi Matrimonium inter duos baptizatos, ad rationem, inquam, Sacramenti, nequidem partialis.

268.  
Resp. Bonæ Speci ad 2. confirmationem.

Ad secundam confirmationem Herinx, Respondeat Bonæ Speci suprà n. 24. Neg. Conseq. siquidem, inquit, non magis evincit, baptizatum istum debere recipere gratiam Sacramenti Matrimonii, quia sic contrahere sèpè est necessarium; quām ipsum debere recipere gratiam Sacramenti Confirmationis, Eucharistie, Pœnitentie, Ordinis & Extremæ Unctionis; quia illis carere, degendo inter infideles, sèpè, immo sèpissimè est necessarium: esse autem necessarium baptizato nubere infidi, nihil est aliud, quām esse necessarium baptizato carere Sacramentum Matrimonii.

Sed contrà: disparitas est, quod necessarium erat suscipere Matrimonium, & onera Matrimonii, absque gratia Sacramenti, summè utili ad sustinenda onera. Sicuti si foret necessarium alicui suscipere Ordines sacros, & non posset recipere gratiam Sacramenti, ad debitè Sacros Ordines exercendum, & servandam perpetuam continentiam, iis annexam.

269.  
Resp. ad 3. confirmationem.

Ad 3. confirmationem Herinx, Respondeat Bonæ Speci n. 25. Neg. rufus Conseq. quia, inquit, ex isto Anteced. non magis concluditur, Matrimonium esse Sacramentum ex parte baptizati, & hunc recipere gratiam Sacramenti Matrimonii, quām non esse, nec hunc, nec alterum recipere gratiam Sacramenti Matrimonii; quia de facto nimis sèpè fit, ut fideles contrahentes, et si ambo recipient Sacramentum, tamen defectu dispositionis, neuter recipiat gratiam, ex quo illud

concluderetur, si argumentum concluderet.

Sed contrà: ex isto Anteced. magis concluditur, Matrimonium esse Sacramentum ex parte baptizati, quām non esse, quia ex parte baptizati non est defectus alicuius dispositionis necessariæ ad suscipiendum Sacramentum Matrimonii, sicut est ex parte non baptizati; & idem baptizatus suscipit Sacramentum Matrimonii, secùs non baptizatus; sicut quando uterque est baptizatus, idem unus recipit gratiam, non alter; quia unus est dispositus, & alter indispositus. Et sicut sèpè fit, ut ambo fideles contrahentes non recipient gratiam, defectu dispositionis; sic etiam heri potest, ut ambo contrahentes non recipient Sacramentum, defectu alicuius dispositionis, seu conditionis requiri ad valorem Sacramenti, v.g. defectu Baptismi aut intentionis conficiendi Sacramentum: si enim fieri potest, ut unus tantum fidelium suscipiat Sacramentum, cō quod alter nolit illud suscipere, ut ibi docet Herinx; etiam consequenter fieri potest, ut neuter suscipiat, quia neuter vult suscipere; ut Sacramentum ministrare. Quod an ferum sit, jam refutat examinandum: nam ab eo dependet resolutio secundi casus suppositi, quād fideles possint, vel non possint separari rationem contractus, à ratione Sacramenti, ita ut validè contrahant Matrimonium, & non suscipiant Sacramentum Matrimonii.

Herinx suprà n. 17. sic ait: Plurimi facti probabilitate negant, inter quos Suarez de Sacram. in genere disp. 13. fct. 2. Prepositus de Sacram. Matr. q. 2. dub. 4. n. 29. & valde mordicus Aversa q. 1. fct. 5. dicens debere constans esse, quād non. Nihilominus satis mihi placet responsio affirmativa, quam tenet Vasquez to. 2. in 3. part. dif. 138. c. 5. Rebello part. 2. lib. 2. q. 5. Bozinacina q. 2. de Matr. punct. 5. n. 4. Diana part. 3. tract. 4. refol. 255. & plures Alii. Nam Christus institutione suā non invalidavit contractum alias validum; sed ei in natura sua invariato, solum addidit dignitatem Sacramenti, quando scilicet adiunxit reliqui, ad rationem Sacramenti generaliter requiri, v.g. intentio &c. Et ob hoc contractus, initius ab infidelibus, non est Sacramentum, defectu Baptismi prærequisitus, quāmvis alioquin sit contractus validus. Idem ergo est de fidelibus, si absit intentio Sacramenti, fīre adit intentio contraria. Et quamquam Christus potuisset aliud voluisse, cum tamen id non satis constet, standum est pro valore actus, alias ex natura rei sufficiens.

Confirmatur, quia (ut testatur Basil. Pontius lib. 1. de Matr. c. 9.) id obseruantur Inquisitores in judaizantibus, qui prius solent secreter contrahere, ut postea coram Parocho certius rationem Sacramenti excludant: quo-

rum tamen Matrimonium nunquam invalidum judicatur. Hucusque Herinx.

272. *Probatur per regens ex Bonæ Spēi, qui arguit Herinx sibi suppeditat.*  
Quem reicit Bonæ Spēi suprā n. 9. & Respondebit, supponi falso, videlicet posse abesse intentionem Sacramenti Matrimonii, vel posse adesse intentionem illi contrariam, posita legitimā intentione contractū validi maritalis inter baptizatos, prout abesse potest Baptismus à contractū maritali valido infideliū: est enim evidens disparitas in eo, quod intentio legitima Sacramenti Matrimonii aliud non sit ex Christi institutione, quam legitima intentio contractū validi maritalis inter baptizatos, ut vel ipse Herinx discursu suo fatetur, dicens, *Cbrisbus institutio-  
nē contrāctui alias valido, in natura sua  
invariato, solum addidit dignitatem Sacramenti:  
infero, ergo ubicumque est; Sacramentum  
Matrimonii est; ergo ubicumque est inten-  
tio legitima ad talem contractū, est inten-  
tio legitima ad Sacramentum Matrimonii; ergo supponi falso &c. Baptismus vero infideliū aliud omnino est ex Christi institu-  
tione, quam contractū maritalis, validè imitus ab infidelibus; unde mirum non est, si contractus defectu illius, non sit Sacramentum Matrimonii. Ad id verò, quod addit, Respondeo, satis constare ex propria ejus statim allata confessione, Christum aliud vo-  
luisse. Hæc Bonæ Spēi.*

273. *Defendit H. B.*  
Sed quæ propria illa Confessio, statim al-  
lata? Hæc, inquis, *Cbrisbus institutio-  
nē contrāctui alias valido* &c. Nunquid hæc tota confessio? Ecce verba, quæ silentio præteriisti, ubi maximè ea exprimere debuisses: *Quando scilicet adiunt  
reliquia, ad rationem Sacramenti generaliter re-  
quisita, v. g. intentio &c.* Si isthac benè ex-  
pendidisses Bonæ Spēi, procul dubio vidisses, Consequentiam tuam non valere: Ergo ubi-  
cumque est (contractus alias validus) *Sacra-  
mentum Matrimonii* est. Planè Sacramentum Matrimonii est, quando adiunt reliqua (ut dicit Herinx) *ad rationem Sacramenti generaliter  
requisita, v. g. intentio &c.* Sed quia inten-  
tio deesse potest, idè fieri potest, ut alicubi-  
sit contractus, alias validus, ubi tamen non  
est Sacramentum Matrimonii. Itaque Herinx  
discursu suo minimè fatetur, intentionem legitimam Sacramenti Matrimonii, aliud non esse ex Christi institutione, quam legitima  
intentione contractū validi maritalis inter  
baptizatos; sed fatetur suo discursu, insuper  
necessariam esse intentionem conficiendi Sa-  
cramentum.

Quod autem ait Bonæ Spēi: *Supponi fal-  
sum, scilicet posse abesse intentionem Sacramenti  
Matrimonii, vel posse adesse intentionem illi con-  
trariam &c.* hoc probandum est; aliquoquin eadem  
jure ego dicam: falso est, non posse ab-  
esse intentionem Sacramenti Matrimonii &c.

274. *Probatur falsitas sup-  
positi.*

Probatur, inquis, quia jam à Christo fa-  
ctā legitimā contractū maritalis inter bap-  
tizatos elevatione ad esse Sacramenti, im-  
possibile est, rationem Sacramenti ab illo positi.

contractū legitimā separari, sive intendere  
contractū, quem Christus ad esse Sacra-  
menti elevavit, & non intendere Matrimo-  
niū novæ legis Sacramentum, quandoqui-  
dem hoc re ipsā solum sit contractus, quem  
Christus ad esse Sacramenti elevavit: ergo  
&c. Ita Bonæ Spēi.

Sed quis non videt, esse petitionem prin-  
cipiū? Nam hoc est quod queritur, an hoc *principium;*  
re ipsā solum sit contractus, quem Christus  
ad esse Sacramenti elevavit: ex quo autem  
hoc probatur? An forte ex aliqua Scriptura,  
aut aliquo Concilio, vel ex jure Divino, aut  
iure Canonico?

275. *Plane, reponit quispiam ex Conciliis Florent. & Trident. quæ absolute definiunt, Matrimonium fideliū esse Sacramentum, neque ostendit potest aliqua ratio, hoc vel illud Matrimonium excipiendi.*

Respondeo: ratio in praesenti est, quia *Quare ali-  
quod Matri-  
monium fi-  
delium non  
sit acra-  
menum*  
Conc. Florent. postulat intentionem facien-  
di, quod facit Ecclesia, quæ intentio in ca-  
su nostro deficit. Porro quod hoc ipso etiam  
deficiat intentione faciendo contractū, ex quo  
Concilio, aut ex quo iure probatur? Nonne  
Aliqui docent, Matrimonia clandestina fide-  
lium ante Trident. fuisse valida in ratione  
contractū, & non in ratione Sacramenti? Si-  
milter Plures docent, Matrimonium per pro-  
curatorem esse firmum & legitimū in ratio-  
ne contractū, non tamen esse Sacramentum.

Atque hoc est fundamentum, ob quod Ba-  
sil. Pontius lib. I. c. 9. n. 3. existimat, no-  
stram sententiam probabiliorem; quia, inquit  
ille, non invenio fundamentum aliquod, ne-  
que in Patribus, neque in Conciliis, neque  
etiam in unanimi DD. fideliū opinione,  
unde deducamus, ita elevatum esse à Christo  
contractū Matrimonii ad rationem Sacra-  
menti, ut si Sacramentum non sit, contractus  
non sit. Quamvis enim non possit esse Sacra-  
mentum Matrimonii, sine ratione contra-  
ctū, cum legitimus Matrimonii contractus  
sit materia & forma ejus Sacramenti; at nullum  
fore contractū concurrentibus omni-  
bus, quæ necessaria sunt ad valorem contra-  
ctū, ex eo quod non sit Sacramentum, non  
recte colligitur.

Exigo enim ab his Doctoribus, unde col-  
ligant, eo modo factam à Christo institutio-  
nem, cùm eorum assertio ex institutione de-  
pendeat? Eam enim non exprimunt Concilia,  
neque infinitant, ut notum est; & præterea,  
non pauci Doctores antiqui tenerunt, Ma-  
trimonia clandestina inter Fideles contracta,  
esse quidem firma in ratione contractū, care-

R. r. re

re tamen ratione Sacramenti. Et multi Plures docuerunt Matrimonium inter absentes, & per procuratorem, esse firmum & legitimum, non tamen Sacramentum: & non pauci Recentiores indicant, eam opinionem adhuc post Concilium Trident. esse valde probabilem. Non est ergo aliquis communis sensus DD. unde colligatur, rationem contractus inseparabilem esse à ratione Sacramenti inter fidèles. Hæc ille.

**277.** *Altera probatio ex eod.* Et n. 4. addit alterum fundamentum; quia ubi jus non exprimit, contractum Matrimonii esse invalidum, censendum est validum in utroque foro, ex Joan. 22. in Extravag. Antiquæ, cum communi DD. sententia. Nullum autem jus exprimit contractum Matrimonii, celebratum etiam cum intentione non conficiendi Sacramentum, esse invalidum.

**278.** Denique (inquit n. 5.) habemus pro nostra sententia tacitum consensum Ecclesiasticorum Judicum. Nam illi qui apud nos post Baptismum ad Judaismum deficiunt, Matrimonium contrahunt sine intentione faciendo, quod facit Ecclesia. Ut enim Inquisitorum testimonio constat, prius illi privatum in suis dominibus solent Matrimonium contrahere, & postea singunt se in facie Ecclesie contrahere, & tamen sine ulla intentione contrahendi more Christiano, quem potius irrident. Cumque hæc certissime in iudicio constent, nunquam Inquisidores, neque in Hispania, neque extra Hispaniam Episcopi, Inquisitorum ordinario munere fungentes, judicarunt illos separandos, aut iterum debere conjugium contrahere; cum tamen si ex defectu ejus intentionis deficeret ratio contractus, deberent iterum contrahere, vel possent validè alteri nubere. Hucusque Pontius.

**279.** Sed ad hoc ultimum responderet Praepositus suprà n. 35. ea Matrimonio esse irrita, & si probari possint, contrahentes posse ad secundas nuptias transire: quod si hoc non permittatur, oritur ex eo, quod Judices Ecclesiastici, vel Inquisidores, in praxi aliam sequantur sententiam, quæ suā probabilitate non caret. Adde: nullam utilitatem posse provenire ex eo, quod secundas nuptias permittereant inire cum eas simili modo inirent.

*Alia responso ex Aver-  
sa.* Aliter responderet Aversa sup. quod praxis illa Ecclesiasticorum Judicum solum suadeat, in foro externo presumi intentionem sufficientem; id est, intentionem conficiendi Sacramentum, casu quo aliter non possint validè contrahere. Putant namque Adversarii illas intentiones esse contrarias: *Volo contrahere Matrimonium*, &, *Nolo confidere Sacramentum*; adeoque vel confici Sacramentum, si prior intentione prævaleat, id est, si ita volo contrahere Matrimonium, ut si scirem, me non posse id

facere, nisi simul conficiendo Sacramentum, equidem vellem contrahere; aut certè contractum esse invalidum, si posterior intentio prævaleat, id est, si ita nolim confidere Sacramentum, ut si scirem, me non posse cum tali intentione validè contrahere, equidem nolim confidere Sacramentum.

Hinc conseqüenter affert Praepositus super n. 33. eos, qui cum ignorantia tui Baptismi, & ignorantia Sacramenti Matrimonii, contraherent Matrimonium, bonâ fide existimantes se tantum facere contractum civilem; nihil minus confidere Sacramentum; qui uniusquisque contrahens, nisi contrarium sufficiat, ter intendant, solet contrahere iuxta exigentiam sue conditionis, & hoc confusè intendit; non quidem in actu signato, ut dici solet, sed in actu exercito; cum ergo tales ex supplicatione sint baptizati, volunt Matrimonium confusè contrahere, secundum exigentiam Matrimonii baptizatorum, quod sufficiat, ut censeantur velle Matrimonium in ratione remonstrare facere, & censeantur velle facere quod facit Ecclesia.

Si objicias: voluntas non fertur ipsa que sunt omnino incognita. Responderet n. 34. voluntatem non esse ad incognita, ut inde origine aliqua obligatio; qui enim contrahit, lo modo se intendit obligare ad ea, quæ non novit; si vero ex aliqua conditione actuoriatur nova obligatio, licet illam conditionem non noverit, potest censeri eam velle, quatenus censeatur velle contrahere iuxta suam conditionem, ex qua conditione subiecta urgat in contractu esse sacramentale. Hinc illle.

Cui si rursus opponas; intentione, quæ appetunt non recipere Sacramentum, non est contra substantiam Matrimonii; ergo illud non irritat.

Respondet n. 36. non esse contra substantiam Matrimonii, loquendo in genere, & intentatà ejus natura, unde non semper illud irritare; esset tamen contra substantiam contritus, prout, iuxta institutionem Christi, elevatus ad esse Sacramentale respectu substanti capacis.

Arguit 3. Ergo qui metu mortis invalidè contrahit Matrimonium, peccat mortaliter, crilegio, quia profert formam Sacramenti, & confidendo Sacramentum, quod est mortaliter sacrilegium in aliis Sacramentis.

Respondeat: non esse mortale, universum loquendo, proferre verba formæ Sacramenti, non confidendo Sacramentum: si enim aliquis metu gravi alium adigit ad preferendam verba formæ Baptismi, proferens non premitur, etiamsi non conficiatur Sacramentum; nisi alius adigit in contemptum Religionis Christianæ, cuius ritus & formæ

Sacramentorum velit ludibrio exponere. Cū ergo in Matrimonio variis de causis aliquis possit adigi ad proferenda verba, vel edenda signa expressiva consensū, nec tamen ei expedit interius præbère consensum, vel etiam non possit præbère legitimū, potest sine peccato, ad grave malum evitandum, proferre verba &c. licet non contrahat, vel Sacramentum conficiat; quod multò facilius in praesenti materia potest contingere: nam moraliter loquendo aliquis non facilē adigitur, ad formas aliorum Sacramentorum proferendas, quarum prolatio, juxta communem modum humanae conversationis, non videtur utilis ad grave malum evitandum: signa vero, consensū Matrimonialis expressiva, adhuc sapè possunt esse utilia: poterunt ergo sine peccato usurpari materialiter, etiā sine intentione ulteriū consentiendi, vel etiam si sciatur consensū hic & nunc non esse legitimū.

Quin imo putat prædictus Auctor non esse mortale, hujusmodi verba proferre, vel edere signa, tametsi desit iusta causa, & periculum gravioris mali.

Discrimen autem assignat inter formas aliorum Sacramentorum, & formam hujus Sacramenti; quod alia Sacraenta habeant certam verborum formam, jure divino præscriptam, quæ extra confectionem Sacramentorum communiter in humana conversatione adhiberi non solet, & proinde illa uti extra Sacraenta continet gravem irreverentiam erga Sacramentum: signa vero, quæ possunt esse expressiva contractū Matrimonialis, ex hominum institutione solent ad varios alios fines in humana conversatione adhiberi, v.g. illa verba: *Accipio te in meam*, possunt etiam juxta hominum consuetudinem adhiberi, solum ad declarandam benevolentiam, item ad facetam recreationem cum aliqua; unde nisi informentur interiori consensu, non consentur forma hujus Sacramenti, & proinde non potest dici fieri injuria Sacramenti, si hec verba etiam ad alios fines, vel joci causā usurpentur. Hactenus Præpositus. Vide quæ de hac re nos diximus Disp. I. Sect. 7. Conclus. 14. & infra adhuc redibit proprius locus deedam controversia tractādi.

Saltem ex jam dictis bene ostenditur, illa argumenta non convincere omnino nostram sententiam; immo nullatenus probatur, supposito, quod Christus omnem prorsus contractū maritalem fidelium, quæcumque intentione fiat, elevaverit ad dignitatem Sacramenti. Sed hoc restat Adversariis probandum.

Probat autem Præpositus suprà n. 29. Confitemur Christum Dominum eveyxisse ad rationem Sacramenti contractū civilem Matrimonialem baptizatorum, & non apparat, quod reliquerit liberæ contrahentium voluntati, ut contractus eorum eam rationem

participaret, vel non participaret; ergo &c. lumen quodcumque ad dignitatem Sacram. Reprobatur;

Respondeo: appare omnino; quia certum est, quod Christus, præter materiam & formam Sacramenti, requireret intentionem ministri faciendi, quod facit Ecclesia, unde non valet Baptismus, tametsi puer abluitur, cum prolatione istorum verborum: *Ego te baptizo &c.* si minister non intendat facere, quod facit Ecclesia; & tamen Christus instituit illam ablutionem, cum ipsis verbis, Sacramentum novæ legis.

Nec valet dicere: ille Baptismus non est validus; ergo neccille contractus erit validus; Negatur quippe Conseq. disparitas est; quod ille Baptismus (idem est de aliis Sacramentis) antecedenter ad Christi institutionem nullum habebat valorem (nisi ablueret sordes corporis, quem eriam tali casu retinet) ut habuit contractus Matrimonii. Unde Baptismum esse validum, formaliter est idem (ut ait Hernix supra) quod esse Sacramentum, sive quod esse certum sacram signum, à Christo institutum; neque alius est in eo valor, quam esse Sacramenti. Porro contractū Matrimonii esse validum, non est formaliter idem, quod esse Sacramentum, ut patet in infidelibus; non appetit autem, quod Christus illum valorem voluerit auferre, elevando contractū fidelium ad dignitatem Sacramenti.

Secundū argumentatur Præpositus suprà: Ab initio Ecclesie additi sunt certi quidam ritus sacri in celebratione Matrimonii, ut patet ex Epist. Evaristi ad Episcopos Africanos, & ex Concil. Carthag. 4. cap. 13. quod non videtur aliunde provenire, quam ex eo, quod Matrimonium sit Sacramentum; atque ex intentione Ecclesie illi ritus sunt adhibendi omni Matrimonio; ergo Ecclesia videtur tacite sentire, omne Matrimonium fidelium esse Sacramentum. Consequentia probatur; si ratio contractus civilis separari posset à ratione Sacramenti, id videretur posse fieri liberā contrahentium voluntate, etiam sine culpa. Unde enim colligi potest, quod teneantur contractū inire, etiam in ratione Sacramenti? Et unde colligi potest, quod Christus Dominus permisit validē iniri civilem contractū, sine receptione Sacramenti, & voluntaria nihilominus, hanc rationem semper conjungi contractui Matrimonii in baptizatis? Quod si absque culpa contrahentes possint velle inire contractū civilem, non suscipiendo Sacramentum, unde tam rigidè Ecclesia vult hos ritus adhiberi? Certè pro contractu merè civili, Ecclesia non instituit ceremonias sacras. Hæc ille.

Respondeo: Ecclesia instituit ceremonias sacras pro contractū, qui debet esse Sacramentum. Illud autem debitum colligunt aliqui ex sensu communi & usu, ac ex eo quod idcirco Ecclesia in contracturis requirat statū gratiarum, Sed

288.

Matrimonium fidelium debet esse Sacramentum,

R r 2

Sed ubi, interrogat quispiam, Ecclesia requirit statum gratiae? An forte in Conc. Trid. sess. 24. in Decreto de Refor. Matr. c. 1. ubi sic ait: *Postremo sancta Synodus conjuges bortatur, ut antequam contrahant, vel saltem triduo ante Matrimonii consummationem, sua peccata diligenter confiteantur, & ad sanctissimum Eucharisticum Sacramentum pie accedant?* Verum haec verba solùm continent consilium de re meliori, ut pater ex ly *Hortatur.* Deinde potest fieri contractus Matrimonii, multis diebus ante consummationem, & tamen satisfaciunt conjuges, si triduo ante consummationem Matrimonii confiteantur; ergo illa Confessio non prærequisitur ipsi contractui, qui tamen solus est Sacramentum. Denique, certum est, sufficere ad dignam susceptionem hujus Sacramenti, Contritionem Charitate perfectam.

Sufficiat ergo sensus communis, & usus communis omnium timoratorum, qui ante contractum Matrimonii solent confiteri, aut saltem per Contritionem procurare statum gratiae; idque quia apprehendunt, se debere suscipere, & administrare Sacramentum. Et sane que ratio separandi Sacramentum à contractu, cum æqualis insolubilitas oriatur ex nudo contractu inter baptizatos?

289.

*An possit dari easius, in quo expeditas separare contractum à Sacramento.*

*290.*  
l. 4. & 5. ff.  
de LLL

*An tunc licet separatio.*

Dices; fieri potest, ut contrahentes habeant conscientiam peccati mortalis, immo in ipso contractu mortaliter peccent; v. g. si contrahant invitisi parentibus, quando aliquin tenebant eos consulere: nonne tunc consultum fore, separare rationem contractus à ratione Sacramenti? Sic enim non peccarent peccato sacrilegii, & aliunde nullum fructum sperare possunt ex tali Sacramento, cum Sacramentum Matrimonii non reviviscat.

Respondeo; *Ex his, quæ foris uno aliquo casu accidere possunt, jura non constituantur.* l. 4. ff. de Leg. *Nam ad ea potius debet aptari ius, quæ & frequenter & facile, quam quæ perraro eveniuntur.* cod. l. 5. Ergo non obstante illo particulari casu, recte potuit Deus velle, ut semper ratio Sacramenti conjungeretur contractui Matrimoniali, & ne possent licet contractum à Sacramento separare; estò aliquin separatio foret valida. Praesertim cum in casu proposito tota malitia oriatur ex mala voluntate contrahentium, qui deberent non contrahere Matrimonium & sic evitarent, si vellent, utrumque peccatum.

Et revera non constat, tales unquam voluisse contractum à Sacramento separare, parum curantes, duplice an unico peccato peccent, dummodo habeant suum intentum. Ergo propter eos non debuit Christus permettere illam separationem, cum, ut dictum est, etiam facta separatione, adhuc peccent. Sin autem aliunde conjuges sint in malo sta-

tu, vel abstineant à contractu, vel eliceant Contritionem Charitate perfectam, saltem putatitiam, sicuti possunt cum gratia Dei, & non peccabunt; immo accipient gratiam Sacramenti, si saltem attriti fuerint supernaturaliter. Porro de his, qui sunt in bono statu, non est dubitandum, quin velint confidere Sacramentum; nemo quippe confitetur, seipsum sponte velle privare gratia sacramentalis tam utili, immo quodammodo necessaria, ad congrue sustinenda onera Matrimonii, quam sine ullo suo incommode potest accipere.

Atque ut non esset præcepti divini illa conjunctio contractus cum Sacramento, saltem est præcepti Ecclesiæ, cum sit mos in Ecclesia illa nunquam separare; & ideo Ecclesia adhibet ceremonias sacras. Sicut ergo qui baptizat in Ecclesia Latina formid cororum, peccat mortaliter, licet Baptismus certè valeat; quia facit contra confverendum obligantem Ecclesiæ Latinæ in materia gravi, ita etiam, qui separat contractum Matrimonii à Sacramento, posset peccare graviter, rametsi contractus certè valens quia facit contra confverendum obligantem in materia gravi.

Ultimò probat suam sententiam Prophetus sup. Patres nunquam vel leviter indicant contractum Matrimonii posse separari à receptione Sacramenti inter fideles; sed è contrario videntur absolutè pronuntiare, illud esse Sacramentum, & nominatim Aug. de Boni conjugali c. 24. docet, in populo Dei bonum nuptiarum esse in sanctitate Sacramenti, quia loquendi forma videtur designare, omne Matrimonium fidelium esse Sacramentum. Hec ille.

Respondeo; ideo sancti PP. nunquam vel leviter indicant, contractum Matrimonii posse separari à ratione Sacramenti inter fideles; quia, ut jam statim dictum est, illa separatio est illicita, & non constat, unquam suffit factam; an autem si fieret, valeret, Patres nunquam disputarunt; & hinc bene dicit D. August. in populo Dei bonum nuptiarum esse in sanctitate Sacramenti, quia omne Matrimonium fidelium debet esse Sacramentum, & communiter est Sacramentum.

Ex jam dictis patet, quod non debet esse constans sententia Adversiorum, vide. licet nullatenus posse fieri ex intentione contrahentium, ut inter Christianos baptizatos contrahatur validum Matrimonium, quod non sit etiam Sacramentum. Miror autem pro hac sententia citari communiter Suarium, qui revera eam non docet, sed hanc controversiam relinquit indecisam, ut liquidè constat ex ejus verbis, quæ hic subscrībor. Acque hinc colligi potest, quid dicendum sit in illo calu

casu de Matrimonio, si contrahentes, cùm sicut baptizati, velint facere contractum, non tamen Sacramentum. Nam si haec posterior voluntas procedat ex privato errore, quo existimant, Matrimonium non esse Sacramentum; tamen re ipsa velint Matrimonium contrahere eo modo, quo Christus instituit, vel quo, juxta Dei voluntatem & ordinacionem, contrahi debet, tunc ille error particularis non excludit sufficientem intentionem ad faciendum Sacramentum; quia ad hoc sufficit illa voluntas universalis, & altera particularis non propriè est ex affectu & intentione non faciendo Sacramentum, sed solum ex errore: quia putant in re ipsa, nullum esse Sacramentum. Si autem illa voluntas revera sit propriè intentio & affectus separandi, quantum in ipsis est, rationem Sacramenti à ratione contractū, vel ut Matrimonium non sit indissolubile, vel propter aliam similem ineptam rationem, tunc revera non fieri Sacramentum, quia deest necessaria intentio. An verò validum est etiam Matrimonium in ratione contractū, alterius est considerationis.

Quidquid ergo circa hoc dicatur, probatur illud primum: quia vel ratio contractū est in re ipsa separabilis à ratione Sacramenti inter tales contrahentes: & sic cùm ipsi intendant, illa duo separare, & utrumque penderat ex eorum intentione nihil obstat, quod minus re ipsa separarent: aut non possunt in re separari post Christi institutionem: & tunc valor contractū pender intrinsecè ex Sacramento, comparatur enim ad illud, ut effectus ad causam, seu ut res ad Sacramentum: ergo oportet, ut intentio Sacramenti ante omnīs præcedat, alioquin nihil fieri, sicut dicebamus de intentione Baptismi, & effectus ejus. Qui verò intendenter facere Sacramentum, non autem contractū Matrimonii, nihil etiam facerent, quia illa posterior intentio, non tantum est circa effectum sed etiam circa materiam Sacramenti, quam destruit. Hucusque Suarez.

Quis jam non videt verum esse quod antea dixi, scilicet hunc Auctorem controversiam, de qua hic tractamus, relinquere omnino indecisam? Unde ergo fit, quod Adversarii Suarium cident pro lata sententia, nisi quia proprii oculis Suarium non legerunt? Bene de hujusmodi dici potest, quod Christus de Pharisæis dixit Matth. 15. v. 14. *Sicut illos: ceci sunt & daceas & corvorum: coccus amorem si cœco ducatum p̄f̄set, ambo in foveam cadunt.*

Porrò sententiam nostram clarissimè docet Villalobos 1. part. Sum. Theol. tract. 13. diffic. 6. n. 4. ubi sic ait: La duda es, si en este caso seria Matrimonio, como es entre los Gentiles, ya que no fuese Sacramento? San-

chez dice, que no lo seria, porque en la ley nueva, junto Christo inseparablemente la razon de Sacramento, con el contrato Matrimonial. Mas esto no lo prueba, ni lo puede provar, como dice Rebello, el qual tiene la opinion contraria, y dice, que seria Matrimonio, mas no Sacramento, porque el contraer debaxo della condition, aunque seria gran pecado, no es contra la substancia del Matrimonio, al qual Christo añadio la razon de Sacramento, y assi queda debaxo de contrato natural, como el de las Moros, y otros infideles. Ita hic Auctor.

Sed dicer aliquis: Omne Matrimonium fidelium consummatum, est omni casu indissolubile, idque ob rationem Sacramenti.

Respondeo: non idèo; sed quia est fideliū seu baptizatorum; cùm etiam conjugium infidelium, eo ipso, quod baptizantur, fiat omnino insolubile, & tamen non fiat propterea Sacramentum, ut ediffero Concl. seq. qua talis est:

### CONCLUSIO VI.

Matrimonium infidelium non è fit Sacramentum, quod uterque baptizetur; sed neque quod prior consensus postea renoveretur.

**S**uppono cum communi sententia, Sacramentum Matrimonii competere primo contractui eorundem conjugum & nulli alteri. Pater; quia Sacramentum Matrimonii non potest competere, nisi contractui Matrimonii; sed solus primus contractus eorumdem conjugum, est verus contractus Matrimonii; ergo &c. Probatur Minor ex definitione contractū Matrimonii: Confensus maris & feminæ, signo externo expressus, quo jus perpetuum tradunt in mutua corpora ad usum conjugalem; jam autem posito primo contractu Matrimonii, vir non habet potestatem seu jus corporis sui, sed mulier; & mulier non habet potestatem seu jus corporis sui, sed vir, teste Apostolo 1. Cor. 7. v. 4. Ergo posito primo contractu Matrimonii, vir non potest amplius tradere potestatem corporis sui mulieri, neque mulier potestatem corporis sui viro; ergo secundus contractus, quem attentant eidem conjuges, dicentes rursum: *Ego te accipio in meum & Ego te accipio in meum*, non est verus contractus Matrimonii, quia per illum non datur nova aliqua potestas, sed tantum est renovatio fidei, antea datae, seu promissio servandæ fidei. Velut dum Religiosus aliquis renovat vota Professionis, non dicitur rursùm profiteri; quia Professio significat traditionem sui in jus Or-

R 3 dini